

中國地方志集成

四川府縣志輯（新編）⑥9

光緒雷波廳志

同治會理州志

光緒會理州續志

巴蜀書社 · 鳳凰出版社 · 上海書店

第六十九冊目錄

光緒雷波廳志……………一

同治會理州志……………二〇九

光緒會理州續志……………五六三

緒光

雷波廳志

清·秦雲龍 修 萬科進 纂
光緒十九刻本 三十六卷首一卷

原序

古之有志自孟堅作地理始繼此如陳壽李膺代有其人考核詳明堪稱典要顧志有不同有記千百年之事蹟者有記一朝之文獻者至州郡之志山川土俗事雖略而語焉必詳隆署篆仙城下車伊始查敘屬各有成書而雷波獨未有奚以紀往蹟而詔來茲說者曰雷自元明以來隸籍馬湖未設職守既苦往事之難稽

國朝平定之始雖立有官司方且籌邊不遑何暇爲郡

雷波廳志

卷之首

原序

一

乘計嗣後卽有修志之人奮於始輟於終究成築室道謀此雷波之所以無志也隆曰然今者現奉

大憲札諭飭修志書若不纂修遲久何以報命因乃以其事寄之儒學鮮于薰聞言唯而退甫月餘輯志四卷請政於隆觀其冊中記載自星野疆域建置形勢以及戶口田賦風俗物產之屬一一畢具縱不必漫希孟堅諸公要其搜羅無遺已無復前此之闕略且幸其借箸以籌而得彼此之相與以有成也用是

計日申呈

憲局其間筆削增刪一俟裁酌而定校定後發還來

廳應卽付之剞劂使生斯土者覽志而景仰前徽爭自鼓勵無不革薄以崇忠卽莅斯土者覽志而察民情之好惡審土俗之純澆考地輿之險夷廣狹亦可爲布政之權輿則斯志之作其有裨於吏治人心夫豈少哉思隆之爲此計者至深切也偶爾代庖稱職爲要本平日至公之心垂爲他日可信之史卷帙井然毋貽寡濫夫甯非守土之責與至於揆藻摛華請以俟後之博物君子竊未之逮也而有志焉時

雷波廳志

卷之首

原序

二

嘉慶十七年首夏署雷波撫夷廳通判事候補同知福隆題於雷波廳署

原序

古者外史掌四方之志上之於朝志與史二而一者也用以昭信考實不容假借故必具此三長茹古涵今考論該洽然後擇精語詳折衷而歸於至當此郡志之作不可濫也亦不可無薰任雷波司鐸歷有年所查其志書前此未有今奉

大憲檄飭令修纂堂台福責成於薰自憶平日無學無識又無綜覽之才而欲編輯成書以信今而傳後何堪任此何也作史莫難於志如鄭樵通志二十略

雷波廳志

卷之首 原序

三

始於氏族終於蟲魚貫穿百家已成不朽大業此其才學與識夫豈後人所易及然信毛漸之三墳刪子夏之小序玉格典名而誤爲寶貨樹萱書名而指爲草木識者猶譏之薰何如人而敢自作聰明妄爲塗鴉之舉哉第此地人文絕少何得以謙退爲辭於是退而愧復轉而自思欲稽往事既苦於無徵欲訪故老又恐其難信竊念雷雖僻壤自入版圖以來久歸王化於山川形勢而外亦未嘗不有戶口田賦亦未嘗不有祀典祠壇推之物產風俗兵制邊防無一不備但

難在搜羅之無遺考核之必當耳爰仿諸通志博採羣書擇其實而有徵者記之於筆不參一毫私見其中敘前代之事略敘

本朝之事詳他處之事或因事而類記惟其實不尙其華取其信不傳其疑如是而已若夫煩而不整俗而不雅自知學疎識陋才情萬不逮古人求如古史傳志之作明足以周萬事之理道足以適天下之用義足以達難顯之情已愧其不如遠甚則此志之作不祇爲後世之糟粕也與志旣成請政於撫夷廳謬蒙

雷波廳志

卷之首 原序

四

許可繕呈省局統候體裁在薰黽勉供職竊恐以固陋滋懼抑又思之廳志者府志之分也府志者省志之分也省志者又一統志之分也倘異日者一經裁定取邊地之疆域載之於省志更附之一統志中則風土人情瞭如指掌未必非採風之一助時嘉慶十七年孟夏月雷波廳訓導鮮于薰謹序

新修雷波廳志序

雷波與馬邊戎邊越巂四面環涼山夷築城分兵防守而雷波扼其南自西南斜趣東北延沿三百十里濱金沙江川流湍急津渡險惡近岸諸夷不敢越江一步妄生窺伺惟西北邊徑路紛歧與夷接壤時於其間逸出爲寇中國以其僻居一隅不足重煩兵力偶然蠢動過其亂萌而已自明萬曆十五年印部雷波黃螂夷連兵出擾逾年總兵李應祥擒斬其酋討平餘黨地方始定越

雷波廳志

卷之首 序

一

國朝雍正六年土司楊明義助逆提督黃庭桂等平之嘉慶七年扭扭夷叛提督豐紳等平之十九年庚掌家大阿六家夷叛提督多隆武等平之道光十七年馬邊恩札夷叛提督余步雲等平之十八年復叛鄉兵王名相破走之同治六年以後時時擾邊連年不靖光緒元年六年八年十六年相繼爲亂先後出兵征剿大率窮則乞撫兵退輒剽掠如故雖將士用命掃穴擒渠大加懲創終未能制之使不敢動三百餘年變亂者十見始或百餘年數十年一出後漸十餘

年一出近且數年一出官兵戰守迄無已時蓋自雷

波入版圖以來夷患之亟未有如近時者也昔武侯南征馬謖勸其攻心爲上武侯用其言遂平南中然纔及十年叛者又起今區區小夷頻年繹騷邊境宿兵不得休息固由未能戢服其心亦其天性好亂見利輒動叛服無常難以控制是在官吏將士撫之以恩信休之以兵威操縱得宜使其不得肆志一逞斯邊民之福也咸豐秦君濤安別駕治雷二年勤於撫馭民夷畏服頃又指揮土司會合官軍克復小霧基

雷波廳志

卷之首 序

二

地境益恢廓以地無志乘創爲新志六卷綱舉目張燦然在目中關於邊防事特詳使後之爲政者隨時考察鑒於成敗斯君修志之意也余嘉君識治體之要舉措之有益民生也爰揭書中大旨著之簡端俾觀者有所警省焉

光緒十九年六月頭品頂戴四川布政使司布政使合肥龔照瑗敘

序

聖天子統一寰宇聲威宣播太和荆治光被四表蠻夷向化猗歟盛哉顧漸仁摩義歌詠昇平所以宣

上德而逃民情昭一道同風之治者則惟攷厥徵文纂修志乘爲特重焉溯自小史外史之掌昉於成周迄漢唐歷代以來郡縣莫不有志以驗風俗紀歲時核名實備掌故舉凡天文輿地文學武事與夫士習之所行之以式胥於是乎載焉信於今傳於後誠司牧者雷波廳志

卷之首

三

之亟務也雷波自

國朝乾隆二十六年改設廳治蠻方率服風氣漸開後尾置出同於內地而志乘尙不備則守是邦者山川之險夷於何而悉其形勢人物之生聚於何而別其品類戶口田賦之多寡於何而攷其盛衰始末夫非缺陷事歟秦濤安通守權斯土之明年政通人和邊境又安因與邑之搢紳旁搜遠紹博採參稽輯成志書三十六卷考前之創是志者嘉慶十七年前通守福隆廣文鮮于蕓曾輯四卷惜未付梓今逾八十

年卷帙散佚濤安獨毅然纂成之其任事之勇如此則其他教養撫綏防禦之盡心盡力可概見矣夫于曰凡事之難以通曉於事者之少也知其分寸而一以應之則人無欺慢而事易集焉濤安其知之矣書成問序於予予嘉其爲政之敏有以異於俗吏之爲而又喜其邑之賢士大夫能相與以有成也忻然序之

光緒癸巳春二月布政使銜分巡川南永甯道嚴川周廷揆序

雷波廳志

卷之首

四

序

聖天子統一寰宇聲威宣播太和翔洽光被四表蠻夷向化猗歟盛哉顧漸仁摩義歌詠昇平所以宣

上德而述民情昭一道同風之治者則惟攷獻徵文纂修

志乘爲特重焉溯自小史外史之掌昉於成周迄漢

唐歷代以來郡縣莫不有志以驗風俗紀歲時核名

實備掌故舉凡天文輿地文學武事與夫士習之所

以端民生之所以裕以及忠孝廉節事蹟之可紀言

行之可式胥於是乎載焉信於今傳於後誠司牧者

雷波廳志

卷之首 序

五

之亟務也雷波自

國朝乾隆二十六年改設廳治蠻方率服風氣漸開俊

髦輩出同於內地而志乘尙不備則守是邦者山川

之險夷於何而悉其形勢人物之生聚於何而別其

品類戶口田賦之多寡於何而攷其盛衰始末夫詎

非缺陷事歟秦濤安通守權斯土之明年政通人和

邊境乂安因與邑之搢紳旁搜遠紹博採參稽輯成

志書三十六卷考前之創是志者嘉慶十七年前通

守福隆廣文鮮于薰曾輯四卷惜未付梓今逾八十

年卷帙散佚濤安獨毅然纂成之其任事之勇如此

則其他敎養撫綏防禦之盡心盡力可概見矣朱子

曰凡事之難以通曉於事者之少也知其分寸而一

一以應之則人無欺慢而事易集焉濤安其知之矣

書成問序於予予嘉其爲政之敏有以異於俗吏之

爲而又喜其邑之賢士大夫能相與以有成也忻然

序之

光緒癸巳春二月布政使銜分巡川南永甯道靈川

周廷揆序

雷波廳志

卷之首 序

六

序

周官土訓掌道地圖以詔地事誦訓掌道方志以詔觀事地圖方志蓋志乘所繇仿也雷波舊爲夷地自入圖版以來沐浴

聖化夷歸巢穴民安耕鑿士樂詩書久已彬彬質有其文矣惟廳中志乘聞前任福公隆迫於令檄彙集成編惜未梓行今亦半屬零落辛卯秦君濤安來攝是邦庶務畢理念廳志之闕而不備慨然有志纂修禮延孝廉萬生科進屬以編輯之役而身爲裁定於是博

雷波廳志

卷之首

序

七

訪儒紳父老搜采省志輿圖參考史冊羣籍以筆以削有典有則書成郵寄繕本示余並屬爲序余考雷自我

朝置衛改廳於今百餘年矣其間政治之得失官舍之更置與夫賦役多寡邊徼安危之數前後弗侔兼以文獻無徵採訪乏人土瘠民貧籌款拮据而欲一旦準古酌今分門別類創修一方之圖籍傳信後來之覽觀亦豈易事哉乃詳閱斯志自圖考星野以至古蹟祥異凡六卷卅餘目考核詳明事實簡潔辨分野

則祿祥可稽也按疆域則保障可嚴也崇學校則人文可起也至於建置之沿革風俗之美惡物產之純駁以及凜祀典實倉儲籌邊防總田賦靡不綱舉目張條分縷析俾後之任斯土者便覽山川人物民情吏治而時修其政教士之觀斯志而發懷古之情者知生逢

盛世得以禮陶樂淑之躬乘時而利見亦將爭自濯磨思以忠孝節廉倡黎庶而益厚其風俗胥於是乎賴焉是則通守汲汲此志之心而寅先孝廉之廣搜博採

雷波廳志

卷之首

序

八

殫見洽聞獨能不負所知以相與有成亦殊堪尙矣甲申春余奉

命來守是郡屬境遼闊逼近夷疆嘗欲按其圖記攷山徑之崎嶇岡巖之險巖以深悉夷人出沒之區而不可得今秦君毅然搜輯數月而成是編從此覽圖籌防將見邊郵永固夷務常清士習民風蒸蒸日上當益鼓舞於

聖天子聲教四訖德威遠播也已

光緒癸巳春二月敘州府知府汾陰王麟祥謹序

序

雷波古西南夷地也自漢武帝通道夜郎開邊置郡後世步武接踵遲鞭長而矜囊括者比比皆是然時叛時服不能常也我

朝威德茂昭無遠弗屆雍正時雲貴督臣鄂文端公經略西南夷啟烏蒙定芒部兵事及於雷波而四川提督黃文襄公亦復統兵隔江助剿由是平定雷黃改流置衛一時師武臣力勞勩經營而後來守土者繼之遂建廳城設學校承流宣化教養兼施邊民喁喁

雷波廳志

卷之首 序

九

向風氣象比同於內地

雲龍

下車以來覽其山川之

雄傑地土之肥沃物產之豐饒人民之秀穎慨然曰此豈不足以爲政哉烏得以爲邊地而蔑視之也受事年餘次第區畫剔弊政開利源靖夷氛定民志邊鄙不聳從政多暇乃進廳屬紳耆從容諷議商推治要僉曰廳志無成書此百餘年闕略之典也公其有意於斯乎

雲龍

竊念志者記也雷波肇基

本朝開創草昧言締造則偉烈豐功考政績則經文緯武核兵制則星羅棋布稽戎索則沙度繩行聲教已

訖於蠻荒文物已通於上國無以記之何以見我國家大一統之規模并八荒而彌六合也因是籌集經費稟於

上憲以修志請報曰可乃商儒學田君開文設局創辦踰日歲貢生劉心安以抄本舊志二卷呈閱乃嘉慶時前任通守福隆編輯而未梓行者也卷帙散亡首尾弗具因以其事屬諸廳舉人萬科進重加修輯並請幕中賓佐及諸紳士協同纂修閱半載而書告成爲志三十有六詳

雷波廳志

卷之首 序

十

本朝而略前代存實事而去虛文誌吏務雖繁籌邊之所重也載文藝雖少辨體之必嚴也其餘典禮所關政教所係人材所出土地所宜皆分類誌之撮要刪繁實事求是二百餘年之事迹略見於此後之覽是書者上可以考

昭代之版圖下可以察偏隅之風俗前可以識開邊之方略後可以見禦侮之良謀言雖不文而其事實人物未始非談邊事者之一助也後之君子若能匡其所不逮斟酌而損益之余更有厚望焉書成爰誌其顛

末如此

光緒癸巳十有九年季夏之吉權通判事湖北咸豐
秦雲龍謹序

雷波廳志

卷之首
序

士

序

聖朝重熙累洽承平二百餘年矣日月照臨八荒竝戴聲

名洋溢萬國同瞻大矣哉自書契以來版圖之盛未

有如今日者也文以己丑歲秉鐸雷波稔爲邊地久

而察之覺山川秀麗民物滋豐風氣以漸而開人文

因時而起涵濡旣久氣象日新唯廳志無成書實爲

缺典楚北秦公濤安者吾蜀賢父母也以經濟之才

出而從政所至卓有循聲辛卯夏自夔州通守調署

此邦甫下車卽以興利革弊爲務建橋梁平道路修

雷波廳志

卷之首
序

士

壇廟葺倉廩樹立坊表經營公署又嘗溽暑冒雨芒

鞋入夷巢相機撫馭蓋無日不心乎民事而爲地方

造福也至於定差費以杜需索清公款以除積弊懲

士蠹以儆貪婪治莠民以安良善摘奸發伏賞罰嚴

明不避怨勞不畏強禦其施設之在人耳目者又彰

彰若此不數月政通人和民懷夷畏頌聲大作公退

之暇杯酒過從嘗與文談及廳志未修甚以爲歉越

明年留任遂決計爲之獨是雷波之修志亦倍難矣

籌經費則民力凋殘言文事則典章缺略厯任因循

不舉者未必不由於此公乃從容敷布次第舉行以才學識之恢宏發天地人之奧秘上稽往籍旁採各州縣名志斟酌損益裁定規模乃進本廳山長與幕僚紳士等協同纂修採訪不厭其詳援引必求其當事蹟必徵諸實詞藻必刪厥繁博採旁搜衷然成帙共爲三十六卷其開山川疆域則爲圖以界之官師人物則因年而表之戶口田賦則徵於冊籍邊防兵制則詳於奏章其餘分類以書要皆有條不紊二百餘年未興之典而公一旦舉行之鴻篇鉅製昭示千

雷波廳志

卷之首 序

三

秋知其才識之過人者遠矣又豈第徵文考獻昭茲來許而已乎今年夏五月開局 文適因歲試赴郡未暇分勞然自維謏陋之資究亦於事無補亦惟有掇臚公之嘉惠於雷者略標志首以備他日輶軒之採云爾時

光緒十有八年七月訓導田開文謹序

序

廳尊秦公莅吾雷半載勵精圖治百廢俱修一目鵠 進而問言曰廳何以無志書 進曰難矣度支告絀則經費難蠻夷多故則暇日難文獻無徵則考核難昔之從政者以軼掌之身值艱難之會日求禦侮弭患之不暇又安能爲志乘計哉公曰是誠然然亦視任事者何如耳閱明年留任漢夷安樂因巡歷各鄉周覽其山川關隘疆域形勢戶口之多寡田土之肥磽營汛之遠近並延見耆舊問風俗察夷情既識之於

雷波廳志

卷之首 序

四

心欲載之於筆歸時遂謀修志廣羅載籍編訂幕僚而屬 進以編輯之役 進生長邊鄙學識淺陋遑敢自託於斯文然雷吾桑梓聚族百年耳目見聞有較他人爲確者亦諒之所不能辭也况局中同事鴻博淵雅殫見洽聞 進以抄胥懷鉛抱槧勉從其後閱十餘月贊襄事竣爲志三十六卷公裁酌之筆削之呈道府憲鑒定而弁以序廳志于是乎成然 進竊思之志者所以記事也記前代之事宜考古記

本朝之事宜準今斯二者於吾心皆有歉焉夫雷波爲

古西南夷地其來久矣然求之載籍自元以前無得而稱張澍蜀典以爲漢堂琅縣地屬犍爲郡四川通志以爲馬湖縣地屬越嶲郡今以漢志考之武帝通西南夷就夜郎旁小邑設犍爲郡後因其爲害從公孫宏議罷之獨設南夷兩縣一都尉稍令犍爲自保就然則漢初所置郡縣僅有其名季漢時武侯南征由今之西昌縣入雲南境雷波西北緊與西昌接壤銅鼓碑碣又多諸葛所遺謂爲馬湖縣地亦尙可據然自亮征高定後夷眾復叛則其事仍不久至今數

雷波廳志

卷之首 序

五

千百年其遺蹟故址尙可得而稽乎晉時朱提郡有螳螂縣姚嶽敗李驤兵於此或以爲卽今之黃螂而師範滇繫又以螳螂爲東川府地其說果安歸與新唐書志蠻夷部落大小百數十種戎州馬湖烏蒙皆疊見稱述而雷波獨不著考其時有磨些蠻者居戎州之西與南詔越析相姻婭磨些二字疑卽雷波夷語麼簸之轉音且雷波諸夷常與東川西昌越嶲各部結親是其一證則在唐時當卽磨些部種宋太祖覽圖揮斧永棄南中厥後邛部瀘州邊患不息雷波

遠在徼外當更淪沒久矣元得天下幅員之廣超越前代雷波乃設土司是爲通聲教見載記之始此則考古之難也我

國家道光九野德載八埏舉西南夷數千里之地夷爲郡縣雍正八年設雷波衛乾隆時改衛爲廳至今幾二百載中間設官職建營汛編戶口定田賦揆文教奮武衛凡事之載章奏案牘者皆散佚弗全至於人物士女若忠義孝友隱逸流寓方技仙釋曾見諸舊志目錄中者舊書旣已失傳而父老相承亦不能舉

雷波廳志

卷之首 序

六

其一二此則準今之難也噫其難若此而欲免大雅之譏評後來之責備其可得乎雖然廳志之成也雖因實創似易實難旣無著述之才又不能博引繁稱折衷至當則亦唯有取載記之可憑方策之可考鄉評之可信採訪之可資者類而誌之以備事實庶不負秦公深謀遠慮汲汲爲志之苦心卽後有作者或亦用力少而成功易耳若遽欲以此爲不朽之業信今而傳後也則吾豈敢時在
光緒癸巳孟秋揀選知縣戊子科舉人萬科進謹序

雷波廳志原修姓氏

總纂

署四川敘州府雷波廳通判候補同知 福隆

纂修

雷波廳訓導 鮮于薰

分錄

庠生 薛天濟

庠生 許盛朝

庠生 羅廷彥

雷波廳志

卷之首 姓氏

一

管理

職員 程世祥

雷波廳志修輯姓氏

鑒定

頭品頂戴四川等處承宣布政使司布政使 龔照瑗 安徽合肥縣人

布政使銜四川分巡永甯等處地方道 周廷揆 廣西賓州府人

候補道特授敘州府知府 王麟祥 山西榮河人

總纂

賞戴花翎鹽提舉銜署雷波廳通判 秦雲龍 湖北咸豐縣人

協理

雷波廳訓導 田開文 定遠人

雷波廳訓導 歐陽循 咸遠人

雷波廳志

卷之首 姓氏

二

藍翎補用縣丞雷波分駐黃螂巡檢 曾傳葆 湖南善化縣人

六品藍翎雷波廳照磨 陸鈞 雲南昆明縣人

纂修

揀選知縣戊子科舉人 萬科進

協修

候選訓導樂山縣歲貢生 唐德鈞

候選訓導歲貢生 匡衍貞

分缺先候選縣丞 秦勳 湖北咸豐縣人

候補巡檢 張寶書 湖北來鳳縣人

分輯

候選巡檢增生曾光緒

文生羅海杭

文生謝鳳梧

文生吳宗禹

參閱

鹽提舉銜貴州候補通判前署婺川縣知縣 吳洪晏

候選教諭署天全州訓導 徐星漢

四川候補巡檢 楊宗銑 湖南江華附生

雷波廳志

卷之首

姓氏

三

候選府經歷恩貢生 陳鶴齡

華陽縣文生 傅汝礪

樂山縣文生 唐德著

候選府經歷 謝珍賢 貴州思州文生

候選府經歷 唐有武 湖南江華人

採訪

候選教諭恩貢生 羅廷柱

候選訓導歲貢生 劉心安

候選教諭恩貢生 熊光烈

候選教諭恩貢生 陳國華

候選道庫大使 李景江

候選巡檢 陳世瑞

候選巡檢 楊寶林

候選從九文生 李清芬

文生 劉盛祥

文生 羅義彬

文生 田紹虞

文生 劉明照

雷波廳志

卷之首

姓氏

四

文生 劉國霖

文生 龍煥章

監生 何蓮峯

監生 徐國瑞

監生 楊聰發

監生 劉明玉

武生 吳洪暄

武生 吳洪志

職員 彭高烈